

Saksbehandlar
Anders Hansen

Dykkar dato

Vår dato
15.02.2016Telefon
800 80 000

Dykkar referanse

Vår referanse
2015/85975

Kommunestyret i Meland kommune
Postboks 79
5906 FREKHAUG

Kontrollrapport 2015 vedkomande skatteoppkrevjarfunksjonen for Meland kommune

1. Generelt om fagleg styring og kontroll av skatteoppkrevjarfunksjonen

Skatteoppkrevjaren sitt ansvar og mynde følgjer av "Instruks for skatteoppkrevjarar" av 8. april 2014.

Skattekontoret har fagleg ansvar og instruksjonsmakt overfor skatteoppkrevjarane i saker som vedkjem skatteoppkrevjarfunksjonen, og plikter å yte rettleiing og hjelp i faglege spørsmål. Skattekontoret søker gjennom mål- og resultatstyring å legge til rette for best mogeleg resultat for skatteoppkrevjarfunksjonen. Grunnlaget for skattekontoret sin styring av skatteoppkrevjarfunksjonen er "Instruks for skattekontorenes styring og oppfølging av skatteoppkreverne" av 1. januar 2014.

Grunnlaget for skattekontoret sin kontroll av skatteoppkrevjarfunksjonen er "Instruks for skattekontorenes kontroll av skatteoppkreverne" av 1. februar 2011.

Skattekontoret har ansvaret for å avklare at skatteoppkrevjarfunksjonen vert utøvd tilfredsstillende i høve til gjeldande regelverk på følgjande områder:

- Intern kontroll
- Rekneskapsføring, rapportering og avlegging av skatterekneskapen
- Skatte- og avgiftsinnkrevjing
- Arbeidsgjevarkontroll

Riksrevisjonen har ansvaret for revisjon av skatteoppkrevjarfunksjonen. Skatteetaten utfører oppgåvene med kontroll av skatteoppkrevjarfunksjonen.

2. Om kemnerkontoret

2.1 Bemanning

Sum årsverk til skatteoppkrevjarfunksjonen iht. kemnaren sine årsrapportar:

Tal årsverk 2015	Tal årsverk 2014	Tal årsverk 2013
5,3	6,5	5,7

2.2 Organisering

Nordhordland kemnerkontor er eit interkommunalt samarbeid mellom kommunane Lindås, Meland, Modalen, Osterøy, og Radøy og vart etablert 01.01.2010.

Kemnerkontoret er organisert som eiga avdeling. Avdelingsleiar/kemnar sin overordna er rådmannen i Lindås. Avdelingsleiar har det faglege, personalmessige og driftsøkonomiske ansvaret for kontoret.

3. Måloppnåing

3.1 Skatte- og avgiftsinngang

Skatterekneskapen for Meland kommune viser per 31. desember 2015 ein skatte- og avgiftsinngang¹ til fordeling mellom skattekreditorane (etter frådrag for avsetjing til margin) på kr 809 697 028 og uteståande restansar² på kr 28 180 006, av dette krav stilla på vent kr 230. Skatterekneskapen er avlagt av kommunen sin skatteoppkrevjar 20. januar 2016.

3.2 Innkrevjingsresultat

Vi har gått gjennom innkrevjingsresultata per 31. desember 2015 for Meland kommune.

Resultata viser følgjande for alle kommunane samla. Resultatkrav (i %) gjeld for Nordhordland kemnerkontor samla:

	Totalt innbetalt i MNOK	Innbetalt av sum krav (i %)	Resultat- krav (i %)	Innbetalt av sum krav (i %) førre år	Innbetalt av sum krav (i %) regionen
Restskatt personlege skattytarar 2013	81,0	95,3	95,0	95,5	95,8
Arbeidsgjevaravgift 2014	599,5	99,8	99,9	99,1	99,9
Forskotsskatt personlege skattytarar 2014	140,1	99,4	99,0	99,5	99,4
Forskotstrekk 2014	1 143,0	99,9	99,9	99,7	100,0
Forskotsskatt upersonlege skattytarar 2014	154,2	100,0	99,8	100,0	100,0
Restskatt upersonlege skattytarar 2013	94,8	98,7	99,0	98,0	99,2

For Meland kommune er resultata:

	Totalt innbetalt i MNOK	Innbetalt av sum krav (i %)	Resultat- krav (i %)	Innbetalt av sum krav (i %) førre år	Innbetalt av sum krav (i %) regionen
Restskatt personlege skattytarar 2013	13,1	96,1		97,5	95,8
Arbeidsgjevaravgift 2014	112,9	99,9		96,4	99,9
Forskotsskatt personlege skattytarar 2014	23,7	99,7		99,8	99,4
Forskotstrekk 2014	223,3	100,0		98,9	100,0
Forskotsskatt upersonlege skattytarar 2014	19,5	100,0		100,0	100,0
Restskatt upersonlege skattytarar 2013	8,0	99,1		92,7	99,2

¹ Sum innbetalt og fordelt til skattekreditorane

² Sum opne (ubetalte) forfalne debetkrav

3.3 Arbeidsgjevarkontroll

Nordhordland kemnerkontor utfører arbeidsgjevarkontrollen sjølv, men kjøper også arbeidsgjevarkontrollar av Hordaland kommunale regnskapskontroll.

Resultat for kommunen per 31. desember 2015 viser i følgje kemneren sin resultatrapportering:

Tal arbeidsgjevarar	Minstekrav tal kontrollar (5 %)	Tal utførte kontrollar i 2015	Utførte kontrollar 2015 (i %)	Utførte kontrollar 2014 (i %)	Utførte kontrollar 2013 (i %)	Utført kontroll 2015 region (i %)
1 221	61	37	3,0	4,6	5,0	4,0

Ved vurdering av arbeidsgjevarkontrollen skriv kemneren i årsrapporten: "Personalressurs på arbeidsområdet er 2 årsverk, og i tillegg 0,4 årsverk til oppgåvekontroll. I 2015 har vi hatt redusert personalressurs på grunn av permisjon, og har hatt 1,4 årsverk til å utføra arbeidsgjevarkontroll. I tillegg er kemnerkontoret deltakar i det interkommunale samarbeidet med Bergen, med ein liten del. Hordaland kommunale regnskapskontroll har gjennomført 1 arbeidsgjevarkontroll for Nordhordland kemnerkontor i 2015."

4. Kontroll av skatteoppkrevjarfunksjonen

Skattekontoret har i 2015 gjennomført stadleg kontroll av kemnerkontoret for områda skatterekneskap og innkrevjing. Siste stadlege kontroll vart halden 24. mars 2015.

Skattekontoret har i 2015 i tillegg gjennomført kontorkontroll av kemnerkontoret for områda intern kontroll, skatterekneskap og arbeidsgjevarkontroll.

5. Resultat av utført kontroll

- *Intern kontroll*

Basert på dei kontrollane som skattekontoret har gjennomført, finn vi at skatteoppkrevjaren sin overordna interne kontroll i det alt vesentleg er i samsvar med gjeldande regelverk.

- *Rekneskapsføring, rapportering og avlegging av skatterekneskapen*

Basert på dei kontrollane som skattekontoret har gjennomført, finn vi at rekneskapsføringa, rapporteringa og avlegginga av skatterekneskapen i det alt vesentlege er i samsvar med gjeldande regelverk og gjev eit rettvist uttrykk for skatteinngangen i rekneskapsåret.

- *Skatte- og avgiftsinnkrevjing*

Basert på dei kontrollane som skattekontoret har gjennomført, finn vi at utføringa av innkrevjingsarbeidet og oppfølginga av restansane i det alt vesentlege er i samsvar med gjeldande regelverk.

- **Arbeidsgjevarkontroll**

Basert på dei kontrollane som vi har gjennomført, finn skattekontoret at utføringa av arbeidsgjevarkontrollen i det alt vesentlege er i samsvar med gjeldande regelverk, men vert ikkje utført i tilstrekkeleg omfang då det er utført 3,0 % kontrollar mot eit krav på 5%.

6. Ytterlegare informasjon

Skattekontoret har gjennom sine kontrollhandlingar i 2015 gjeve tilrådingar som er meddelt kemneren i rapport av 28. april 2015.

Kemnerkontoret har gjeve tilbakemelding på tilrådingar som er gjevne.

Venleg helsing


Arnljot von Mehren
avdelingsdirektør
Skatt vest


Jan Kåre Strøm
fagansvarleg

Kopi til:

- Kontrollutvalet for Meland kommune
- Nordhordland kemnerkontor
- Riksrevisjonen